

REPUBLIKA E KOSOVËS - REPUBLICA KOSOVO	
KOMUNA E VUSHTRRISË - OPŠTINA VUČITRN	
02 Nr. / Br.	725/18
Nr. i sq. / Br. st.	
Data / Datum 08.06.2018	
VUSHTRRI - VUČITRN	



**Republika e Kosovës**  
**Republika Kosova-Republic of Kosovo**  
**Qeveria -Vlada-Government**

*Ministria e Arsimit, Shkencës dhe Teknologjisë*  
*Ministarstvo Obrazovanja, Nauke i Tehnologije*  
*Ministri of Education, Science and Technology*

**MARRËVESHJE PËR GRANTIN SHKOLLOR**  
**Nr. 57260 ESIP /SDG/**

Prishtinë, datë .... prill 2018

**Fondi burimor për grante:** Marrëveshja për grante zhvillimore nga IDA nr: P149005, e nënshkuar më 20 Nëntor 2015, në mes Republikës së Kosovës dhe Bankës botërore ,IDA (Asociacioni për Zhvillim Ndërkombëtar) për Projektin përmirsimin e sistemit të arsimit në Kosovë (ESIP)

**Palët nënshkruese:** Kjo Marrëveshje është nënshkuar ndërmjet Ministrisë së Arsimit, Shkencës dhe Teknologjisë, Ministrisë së Financave dhe Kuvendit komunal në Vushtrri.

Gjatë periudhës së realizimit të grantit, e cila është e kufizuar brenda periudhës kohore prej 24 muajsh dhe të gjitha palët e lartëpërmendura pajtohen si më poshtë:

**1. Ministria e Arsimit, e Shkencës dhe Teknologjisë (MASHT) pajtohet për:**

- Dhënien e grantit shkollor në shumë prej 10.000 \$ (për shkollat me konkurs) dhe 15.000 \$ (për shkollat e përzgjedhura), në pajtim me kushtet e caktuara në Doracakun e granteve për zhvillimin e shkollave.

Shkolla përfituese e grandit prej 10.000 \$ në komunën e Vushtrrisë është:

Emri i shkollës	Vendi	Lloji i shkollës	Buxheti
SHFMU "Skenderbeu"	Vushtrri	Shkollë me konkurs	9.410,00 Euro

Shkollat përfituese të grandit prej 15.000 \$ në komunën e Vushtrrisë janë:

Emri i shkollës	Vendi	Lloji i shkollës	Buxheti
SHFMU“28 Nentori ”	Vernice	Shkollë e përzgjedhur	9.083,31 Euro
SHFMU“Abdyl Frasher ”	Druar	Shkollë e përzgjedhur	9.057,44 Euro
SHFMU“Akrashtice ”	Akrashtice	Shkollë e përzgjedhur	9.202,94 Euro
SHFMU“Bahri Kuqi ”	Shtruer	Shkollë e përzgjedhur	9.506,86 Euro
SHFMU“Enver Hadri ”	Smrekonice	Shkollë e përzgjedhur	9.820,48 Euro
SHFMU“Jusuf Gervalla ”	Dumnice	Shkollë e përzgjedhur	9.015,41 Euro
SHFMU“Martiret”	Reznik	Shkollë e përzgjedhur	9.099,47 Euro
SHFMU“Migjeni”	Stanoc i Eperm	Shkollë e përzgjedhur	9.956,27 Euro
SHFMU“Mustaf Shyti ”	Oshlan	Shkollë e përzgjedhur	8.921,65 Euro
SHFMU“Nazmi Zhegrova ”	Stanoc i Eperm	Shkollë e përzgjedhur	9.539,19 Euro
SHFMU“Nedakoc ”	Nedakoc	Shkollë e përzgjedhur	8.999,24 Euro
SHFMU“Rilindja ”	Maxhunaj	Shkollë e përzgjedhur	9.099,47 Euro
SHFMU“7Marsi ”	Bukosh	Shkollë e përzgjedhur	9.196,47 Euro

## 2. Ministria e Financave pajtohet për:

- Transferimin e fondeve në nën llogarinë e shkollës, të hapur në librin kryesor të thesarit përkomunitar përfituese të grandeve.

## 3. Drejtoria Komunale e Arsimit (marrësi i grantit) pajtohet për:

- Shfrytëzimin e fondeve të grantit në përputhje me projekt propozimin për grant, i miratuar nga Këshilli për aprosimin e granteve shkollore (KAGSH) me datën 11 dhjetor 2017;
- Ekzekutimin 100% të pagesave të shkollës pas dorëzimit dhe miratimit nga MASHT –i të raporteve të kënaqshme financiare dhe të prokurimit lidhur me realizimin e aktiviteteve të grantit për se cilën kontratë të dhënë prej shkollës;
- Prokurimin (blerjen) e mallrave, të punëve dhe të shërbimeve në pajtim me procedurat e prokurimit të dhëna në Doracakun e granteve për zhvillimin e shkollave (përkatesisht, në Doracakun e prokurimit);
- Mbajtjen e dokumentacionit të plotë dhe të hollishëm për llogaridhënie lidhur me të gjitha shpenzimet e grantit dhe të aktiviteteve të grantit, duke i përmbrushur kështu kërkosat e parashtruara nga MASHT-i;
- Përgaditjen e raporteve të konsoliduara financiare, të monitorimit dhe raportit përfundimtar të grantit për Ministrinë e Arsimit, Shkencës dhe Teknologjisë në pajtim me kërkosat e parashtruara në Doracakun e granteve për zhvillimin e shkollave (përkatesisht, në Doracakun emonitorimit);
- Realizimin e grantit brenda periudhës së paraparë.

## 4. Drejtori i shkollës (marrësi i grantit) pajtohet për:

- Shfrytëzimin e fondeve të grantit në pajtim me projekt propozimin e miratuar nga Këshilli për aprovimin e granteve shkollore (KAGSH) me datën datën 11 dhjetor 2017.
- Prokurimin (blerjen)e mallrave, të punëve dhe të shërbimeve në pajtim me procedurat e prokurimit të cekura në Doracakun e granteve për zhvillimin e shkollave (përkatesisht, në Doracakun e prokurimit);
- Mbajtjen e dokumentacionit të hollësishëm dhe të plotë për llogaridhënie lidhur me të gjitha shpenzimet nga fondi i grantit dhe për aktivitetet e grantit, duke i përm bushur kështu kërkesat e parashtruara të zyrës së DKA-së;
- Përgaditjen e raporteve financiare të monitorimit dhe raportit përfundimtar të grantit për Drejtorinë Komunale të Arsimit (DKA) në pajtim me kërkesat e parashtruara në Doracakun e granteve për zhvillimin e shkollave (përkatesisht në Doracakun e monitorimit);
- Kërkimin e pëlqimit me shkrim prej MASHT-it për shfrytëzimin e mjeteve të kursyera nga granti i marrë në pajtim me planin e prokurimit të miratuar paraprakisht nga MASHT-i;
- Organizimin e takimeve publike në fillim dhe gjatë procesit të realizimit (informim rreth progresit) dhe me të përfunduar të projektit, në mënyrë që t'i informoi të gjithë prindërit, mësimdhënësit dhe komunitetin lidhur me shumën e fondit të grantit të fituar dhe me hollësitë e tjera mbi atë se si këto fonde janë shpenzuar dhe cilat janë shpenzimet e tyre aktuale;
- Realizimin e granteve brenda periudhës së paraparë kohore.

## **5. Ndërprerja e marrëveshjes:**

MASHT-i ka të drejtë t'i shtyjë ose t'i ndërpresë aktivitetet e grantit nëse performanca e realizimit nga Këshilli i shkollës nuk i përbush kushtet e marrëveshjes për grant bazuar në rekomandimin e DKA-së.

Vonesa ose dështimi në realizimin e grantit të miratuar për shkak të gabimeve, pasaktësive ose pakujdesisë së Shkollës do të merret parasysh në vlersimet e ardhshme të projekt propozimeve për grante të parashtruara nga shkolla në fjalë.

## **6. Rastet e paparashikuara:**

Nëse realizimi i grantit të miratuar vonohet për shkak të ndonjë rasti të paparashikuar, atëherë nuk do të zbatohen ndalesat e parapara në pjesën "Ndërprerja e marrëveshjes" të cekura më lartë.

Mes tjerash ,rastet e paparashikuara përfshijnë :

- Fatkeqësítë natyrore ose kushtet atmosferike që e bëjnë të pamundur realizimin e grantit të miratuar;
- Grevat, trazirat, konfliktet ose situatat kaotike që e bëjnë të pamundur realizimin e grantit të miratuar;
- Situatat e tjera që nuk janë nën kontrollin e njerëzve, siç mund të konfirmohet nga MASHT-i;

Nëse ndodhin rastet e paparashikuara, drejtori i shkollës duhet ta informojë DKA-në jo më larg se 14 ditë prej kohës kur ka ndodhë rasti i paparashikuar, si dhe duhet ta informojë DKA-në sa më parë që të mundet me rastin e normalizimit të situatës dhe së është filluar me realizimin e grantit.

## **7. Zgjidhja e kontesteve:**

Kontestet e ngritura në kuadër të kësaj marrëveshje të zgjidhen ,nëse është e mundur në mënyrë miqësore nga palët .Çfarëdo kontesti (mosmarrëveshje ) mes DKA-së dhe drejtorit të shkollës do të zgjidhet nga MASHT-i .Nëse kontesti nuk mund të zgjidhet në bazë të mirëkuptimit ,atëherë kontesti do ti nënshtrohet arbitrimi të ligjeve dhe rregulloreve ekzistuese në Kosovë.

## **8. Sigurimi:**

Marrësi i grantit është përgjegjës për marrjen e masave të duhura për sigurimin e mallrave dhe të punëve të finançuara përmes grantit.

## **9. Auditimi:**

Në çdo kohë sa është në fuqi kjo marrëveshje ,auditori i brendshëm i MASHT-it, Zyra e Auditorit të Përgjithshëm dhe auditori i pavarur kanë autorizim t'i auditojnë të gjitha dokumentet e projektit. Përvec kësaj, MASHT-i është përgjegjës për mbikëqyrjen , monitorimin dhe sigurohet që të gjitha shpenzimet në kuadër të projektit të bëhen në pajtim me marrëveshjen për grant dhe projekt propozim.

## **10. Të tjera:**

Kjo marrëveshje për grant konsiderohet e vlefshme dhe obliguese për palët nënshkruese pasi të jetë nënshkruar nga përfaqësuesit e autorizuar të MASHT-it dhe drejtorët e komunave.

Shyqiri Bytyqi  
Ministër i Arsimit, Shkencës dhe Teknologjisë



Xhafer Tahiri

Kryetar i Komunës-Vushtrri

